

Fiesta di Cah'il Orgel dedica na Buchi Boekhoudt

ORANJESTAD - Diasabra awor Instituto di Cultura Aruba hunto cu Glenda Tromp-Geerman ta organizando un actividad na honor di Alfonso "Buchi" Boekhoudt.

Buchi Boekhoudt ta un persona masha conoci e cultura musical di Aruba, specialmente como trahador di Cahadi Orgel. Y e evento aki ta wordo teni hustamente riba e fecha di


cumpleaños di Buchi.

tabata Glenda Tromp-Geerman cu a bini cu e iniciativa aki. Glenda ta un alumno di Buchi den su curso di "Con pa traha Caha di Orgel". E anochi aki lo bai tin bautismo tambe di e caha di orgel cu Glenda a traha durante e curso y cual ta hiba e number di "Desiree", number di su jiu mas chiquito cu ta

studiando na Europa.

Buchi tambe ta duna les di guitarra clasico bao auspicio di "Fundacion Desaroyo Educativo Comunitario".

Glenda ta casa cu Fichi Tromp y tin tres jiu. E ta un persona cu gusta arte. E ta un cantante talentoso y ta scirbi poesia. Tambe el a sigui lesnan di piano y balet. Eta toca guitarra y cuarta. Tambe el a sigui les di



butseren, ta pinta riba saco di papel y ta kima dibujo riba palo. E ta sigui les di "Skirbi Storia" bao guia di Henry Habibe na Instituto di Cultura. Y actualmente e ta scirbiendo un buki "Con pa traha bo Cah'i Orgel" y historia di bida musical di su maestro Buchi Boekhoudt.

Pa e actividad di dia 20 di April cu lo tuma lugar na Centro di Bario Noord di 8'or di anochi pa 1'or di marduga, lo bai tin diferente Caha invita, tanto for di Aruba, Corsow como Boneiro. Por compronde cu te aworaki tin 21 caha inscribi pa toca e anochi aki.